


方廣大莊嚴經

第八

百七十八  
王八

48059




元祿九年丙子二月日重脩

皇圖環固 帝衢綴昌

佛日增輝 懋容輪常轉

山城州天安寺法金剛院置





方廣大莊嚴經卷第八

王

唐中天竺國沙門地婆訶羅譯

詣菩提場品第十九

尔時佛告諸比丘菩薩澡浴身體復食乳糜  
氣力平全方欲往詣十六功德之地菩提樹  
下為欲降伏彼魔怨故以大人相四面而行  
所謂徐徐安隱而行容止美好如虹蜺而行  
雅步閑詳如須弥山巍巍而行不忿遽行不  
遲慢行不沉重行不輕躁行不濁亂行離垢  
而行清淨而行無過失行無愚癡行無染著  
行如師子王行如龍王行如那羅延行不觸地  
行千輻輪相印文而行足指網縵甲如赤銅



照地而行振動大地而行如山相擊出大音  
聲而行坑坎堆阜自然平正而行足下光明  
照罪衆生歸於善趣而行所踐之地皆生蓮  
華而行隨順過去諸佛就師子座而行心如  
金剛不可沮壞而行閉諸惡趣開諸善門而  
行安樂一切衆生而行銷滅魔力而行摧諸  
邪論而行除斷無明瞶障而行絕生死翅羽  
而行映蔽釋梵護世自在天王而行於三千  
大千世界惟我獨尊而行自證聖道不由他  
悟而行將證一切智而行念慧相應而行欲  
除生老病死而行方趣寂滅離垢不生無畏  
向涅槃城而行念時菩薩正念向彼菩提之



樹直視行時便有如是無量威儀時有風天  
雨天從尼連河至菩提樹周遍掃灑盡令嚴  
淨又雨無量殊勝香華遍覆其地於三千大  
千世界所有大小諸樹皆悉佞枝向菩提樹  
三千大千世界須彌山等大小諸山皆悉佞  
峯向菩提樹欲界諸天子等各散種種微妙  
香華一一妙華縱廣一拘盧舍以為華臺復  
現廣路脩遠無際於路左右七寶欄楯皆悉  
嚴好其量高下如七多羅樹衆寶幡蓋處處  
莊嚴復化七寶多羅之樹一一樹間絡以金  
繩於其繩上皆懸瓊鐸明珠瑠璃間廁其中  
其樹兩間有七寶池於彼池內金沙遍布香

水盈滿優鉢羅華拘物頭華波頭摩華芬陀  
利華如是等華充滿池中其池四邊七寶階  
道周帀莊嚴於其階道則有迦陵頻伽鳧鴈  
鴛鴦鴛命命諸鳥出和雅音有八萬四千天諸  
婁女以衆香水灑於前路復有八萬四千天  
諸婁女散衆天華一一樹下復有衆寶妙臺  
是諸臺上各有八萬四千天諸婁女皆捧寶  
器盛妙旃檀沉水之香復有五千天諸婁女  
奏天伎樂歌儻頌歎出和雅音佛告諸比丘  
菩薩詣菩提樹時其身普放無量光明又遍  
振動無邊刹土復有無量百千諸天奏天伎  
樂於虛空中雨衆天華又雨無量百千天妙



衣服復有無量象馬牛等圍遶菩薩發聲哮  
吼其音和暢又有無量鸚鵡舍利拘呾羅鳥  
迦陵頻伽鳧鴈鴛鴦孔雀翡翠共命諸鳥翻  
翔圍遶出和雅音菩薩往菩提場時有如是  
等無量希有吉祥之相

佛告諸比丘菩薩將欲坐菩提座其夜三千  
大千世界主大梵天王告諸梵衆作如是言  
仁者當知菩薩摩訶薩被精進甲智慧堅固  
心不劬勞成就一切菩薩之行通達一切波  
羅蜜門於一切菩薩地得大自在獲諸菩薩  
清淨意樂一切衆生諸根利鈍皆悉了知住  
於如來秘密之藏超諸魔境一切善法皆能

自覺不由他人而得覺悟爲諸如來大神通  
力之所護念當爲衆生說解脫道亦爲衆生  
作大商主摧伏一切諸魔軍衆於三千大千  
世界之中惟佛獨尊爲大醫王調和法藥救  
衆生苦爲大法王以智慧剛照於十方建大  
法幢不爲世間八法所染猶如蓮華不著於  
水能積無量真實法寶猶如大海蘊諸奇珍  
怨親平等如須弥山安住不動心意清淨如  
摩尼珠離諸垢穢於三千大千世界得大白  
在菩薩摩訶薩以如是等無量功德詣菩提  
場爲欲降伏衆魔怨故成阿耨多羅三藐三  
菩提故欲圓滿十力四無所畏十八不共佛



法故轉正法輪故為欲振大師子吼故施大  
法雨令諸眾生得滿足故令諸眾生得清淨  
法眼故令諸外道息諍論故欲使本願得圓  
滿故於一切法得自在故仁者汝等應當發  
心往詣親近供養即說偈言  
無量百千劫 具慈悲喜捨  
禪定智慧通

於今證涅槃 若欲遠三惡 及離於八難  
受天妙樂報 乃至得涅槃 應持上供具  
供養於菩薩 六年修苦行 欲詣菩提場  
三千世界主 釋梵及日月 一切無與等  
見者咸歡悅 降伏諸魔軍 必當成正覺  
身相三十二 最勝自莊嚴 梵音甚清徹

心淨離諸過

或有人樂欲

上生於梵世

或有人樂欲

證得聲聞果

或有人樂欲

得成辟支佛

或有人樂欲

當獲無上果

如是諸人等

應供養導師

佛告諸比丘時大梵天王為供養菩薩故以

神通力令三千大千世界皆悉清淨除諸砂

鹵瓦礫荆棘地平如掌無有丘墟以金銀瑠

璃碑磔瑪瑙珊瑚琥珀真珠等寶而嚴飾之

又遍三千大千世界生諸瑞草青綠右旋柔

輒可愛如迦隣陀衣又諸巨海變為平地亦

不燒彼魚鼈龜鼉水性之屬所有十方刹土

梵王帝釋護世四王咸見此間三千大千世



界如是嚴淨各於本土皆悉莊嚴遙申供養  
又十方無邊刹土一切菩薩爲供養故以超  
過人天殊勝供具各於本國而申供養皆見  
無邊世界如一佛土諸須彌山鐵圍山間幽  
冥之處日月威光所不能及咸見菩薩光明  
普照有十六天子守護此菩提之場是諸天  
子皆證無生法忍及得阿惟越致其名曰轉  
進天子無勝天子施與天子愛敬天子勇力  
天子善任天子持地天子作光天子無垢天  
子法自在天子法幢天子所行吉祥天子無  
障礙天子大莊嚴天子清淨戒香天子蓮華  
光鬘天子如是等天子各化四方八十由旬

廣設無量寶莊嚴具其地四邊皆有七重寶  
路一一寶路皆悉行列寶多羅樹一一樹間  
金繩交絡垂諸寶鈴覆以寶網閣浮檀金以  
爲蓮華遍滿於地一一華上各以七寶而嚴  
飾之復燒種種上妙天香十方世界人天之  
中所有妙樹悉於中現又十方世界一切水  
陸勝妙香華悉於中現又十方世界諸佛菩  
薩各於本土現無量資糧廣博嚴飾福德智  
慧菩提道場如是種種事業皆悉現於此道  
場中佛告諸比丘十六天子見如是等神通  
瑞相種種莊嚴踊躍歡喜天龍夜叉乾闥婆  
阿脩羅迦樓羅緊那羅摩睺羅伽等見此道



場歎未曾有各想自宮猶如塚墓皆有無量  
讚述功德復有四護菩提樹神一名毗留簿  
瞿二名蘇摩那三名烏殊鉢底四名帝殊各  
以神力變菩提樹高廣嚴好各長八十多羅  
之樹根莖枝葉華菓茂盛端正可愛莊嚴無  
比見者歡喜逾於帝釋歡喜園中波利質多  
羅樹拘鞞羅樹菩薩所坐成菩提處則三千  
大千世界之中心也此樹下地純以金剛所  
成不可沮壞佛告諸比丘菩薩欲往菩提樹  
時放大光明遍照無邊無量世界地獄衆生  
皆得離苦餓鬼衆生皆得飽滿畜生衆生慈  
心相向諸根不具衆生皆得具足病苦衆生

皆得痊愈愈怖畏衆生皆得安樂獄囚衆生皆  
得釋然貧窮衆生皆得財寶煩惱衆生皆得  
解脫飢渴衆生皆得飲食懷孕衆生皆得免  
難羸瘦衆生皆得皆充健而於此時無一衆生  
為貪恚癡之所逼惱人天不死亦不受胎是  
時一切衆生更相慈愍生利益心如父如母  
如姊如妹如兄如弟爾時世尊欲重宣此義  
而說偈言

地獄痛苦逼

一切皆休息

畜生相食散

各各起慈心

八難皆閉塞

三惡悉空靜

光明所照處

咸受微妙樂

眼耳鼻舌等

諸根不完具

皆悉得具足

煩惱所擾者



便得大安樂

狂亂得正念

貧賤得富貴

病苦得痊除

禁囚得解脫

一切無忿競

展轉起慈心

如父母愛子

菩薩光明網

遍滿於十方

普照恒沙界

映蔽無邊土

鐵圍大鐵圍

及餘諸山等

皆悉不復現

變為一佛刹

以眾寶所成

嚴飾甚微妙

由光照燭故

一切如觀掌

如是等莊嚴

為供養菩薩

護菩提場神

有十六天子

百八十由旬

現種種嚴飾

菩薩大威力

百八十由旬

亦現無邊刹

各各皆嚴淨

天龍八部眾

覩如是事已

還自思本宮

而生塚墓想

咸起竒特心

頌歎諸功德

善哉福難思

乃感如斯果

匪惟身語意

起如是莊嚴

以本願力故

一切皆成就

隨諸衆生業

皆悉得滿足

四護菩提神

嚴飾菩提樹

勝過歡喜園

帝釋殊妙林

此神所嚴飾

端正甚可愛

一切天人等

稱讚無窮已

佛告諸比丘菩薩清淨光明普照世界滅除  
一切衆生煩惱遇斯光者皆生欣喜此光又  
照迦利龍王宮時彼龍王遇斯光明於龍衆  
中而說偈言  
過去三佛皆已現  
智慧光明真金色  
於是還覩無垢光  
由斯定有佛興世



其光清淨逾日月  
亦非梵釋阿脩羅  
我以先業行不善  
恒雨熱沙以燒身  
忽遇光明如日照  
億劫修行衆行者  
我與汝等諸親眷  
及以種種莊嚴具

非螢非燭星電等  
一切威光所能及  
所處宮殿常昏暗  
自念長時受斯苦  
身心清涼遍歡喜  
今時定坐菩提場  
衣服香華并伎樂  
供養利益世間者

佛告諸比丘龍王  
爾時與其眷屬歡喜  
踴躍瞻顧四方乃見  
菩薩身相巍巍如須  
彌山梵釋四王龍神  
八部皆悉圍遶心大  
歡喜頭面禮足恭敬  
尊重即以種種香華  
衣服纓絡作

衆伎樂供養菩薩合掌曲躬以偈讚曰

面淨似滿月

世間大導師

我昔值諸佛

瑞相皆如是

今尊破魔已

行當證菩提

曾於過去劫

廣修內外施

持戒及忍辱

精進禪智慧

方便大慈悲

願力喜捨等

以是諸功德

當得成佛道

一切諸叢林

佞枝禮佛樹

有千吉祥瓶

圍遶在虛空

衆鳥吐和音

翻翔競隨逐

身光真金色

遍照於十方

惡趣停苦惱

世間蒙快樂

尊今於三界

定爲大導師

梵王及帝釋

欲色諸天子

咸捨微妙樂

皆來申供養

尊今於世間

必爲大醫王

凡是所遊踐



蓮華隨步起

尊今於世間

必為應供者

導師坐道場

無量拘胝數

一切魔軍衆

皆當自摧伏

日月可墮落

須弥可崩壞

若未得菩提

終不可移動

願我與眷屬

得捨此龍身

功德自莊嚴

當往菩提座

說是偈已其龍王妃名曰金光與無量龍女

恭敬圍遶將衆寶蓋衣服纓絡人天妙華復

持寶器盛衆名香奏諸伎樂說是妙偈讚菩

薩曰

能斷貪瞋癡

世間諸過患

度生死海者

故我今頂禮

尊為大醫王

善拔煩惱箭

衆生未調伏

而當調伏之

衆生處世間

恒為煩惱覆

尊當以慧日

照之今得除

世間無依怙

今當得依怙

而於虛空中

兩種種衣食

諸天龍神等

皆生歡喜心

辯才大道導師

願速坐道場

降伏眾魔怨

當成無上道

似昔諸如來

所證菩提法

無量劫修習

利益諸群生

願速坐道場

證無上菩提

佛告諸比丘菩薩今時作是思惟古昔諸佛

坐於何座證阿耨多羅三藐三菩提作是念

時即知過去諸佛皆坐淨草而成正覺是時

淨居天子知菩薩心白菩薩言如是如是過

去諸佛欲證菩提皆坐淨草今時菩薩復自



思惟誰能與我如是淨草時釋提桓因即變  
其身爲刈草人在菩薩右不近不遠持草而  
立其草青紺如孔雀尾柔輒可愛如迦尸迦  
衣宛轉右旋香氣芬馥尔時菩薩既見化人  
執斯妙草漸向其所徐而問之汝名字誰其  
人荅曰我名吉祥菩薩思惟我今欲求自身  
吉祥復欲令他而得吉祥人名吉祥於我前  
立我今定證阿耨多羅三藐三菩提尔時菩  
薩欲從化人而求淨草出是語時梵聲微妙  
所謂真實聲周正聲清亮聲和潤聲流美聲  
善道聲不蹇聲不澀聲不破聲柔輒聲愜雅  
聲分析聲順耳聲合意聲如迦陵頻伽聲如

命命鳥聲如殷雷聲如海波聲如山崩聲如  
天讚聲如梵天聲如師子聲如龍王聲如象  
王聲不急疾聲不遲緩聲解脫之聲無染著  
聲依義之聲應時之聲宣說八千萬億法門  
之聲順一切諸佛法聲菩薩以此美妙之聲語  
化人言仁者汝能與我淨草以不於是頌曰  
吉祥汝今時宜速施淨草我當坐是草  
降伏彼魔軍若證寂滅法即得無上道  
我為菩提故無量劫修行施戒精進忍  
禪定智慧力解脫與意樂福德及神通  
緣彼諸行故今得圓滿果若施我淨草  
獲無量福德因施淨草故必當成導師



吉祥聞此言

心生大歡喜

手持淨妙草

住於菩薩前

即以歡喜心

而白菩薩言

若以施草故

能獲大菩提

幸先授菩提

然後受淨草

菩薩報吉祥

非唯施淨草

即獲大菩提

應修無量德

方蒙諸佛記

吉祥汝應知

菩提不妄授

菩提可妄授

我當以菩提

授一切衆生

吉祥汝應知

我證菩提已

分布諸世間

汝當於我所

聽受甘露法

菩薩受淨草

往詣菩提場

舉足欲行時

其地大振動

諸天龍神等

皆生歡喜心

恭敬合掌言

菩薩於今者

必降伏衆魔

定獲甘露法

證於無上道

佛告諸比丘菩薩向菩提場時無量菩薩并  
諸天衆各各莊飾菩提之樹其菩提樹有八  
萬四千一一皆願菩薩坐其樹下得阿耨多  
羅三藐三菩提其菩提樹或有高顯殊特百  
千由旬純華所成或有菩提樹高顯殊特二  
億由旬純香所成或有菩提樹高顯殊特百  
千由旬純以旃檀所成或有菩提樹高顯殊  
特五億由旬純以繒絲所成或有菩提樹高  
顯殊特十億由旬純以珠寶所成或有菩提  
樹高顯殊特百億由旬純以七寶所成如是  
八萬四千菩提之樹一一樹下各隨色類敷  
師子座或有師子之座以華莊嚴或有師子



之座以香莊嚴或有師子之座以旃檀莊嚴  
或有師子之座以珠寶莊嚴或有師子之座  
以雜寶莊嚴

佛告諸比丘。爾時菩薩示現取草周遍敷設  
如師子王具足勢力精進堅固無諸過失貴  
盛自在智慧覺悟有大名稱降伏衆魔摧諸  
外道具足如是種種功德將證菩提而面向  
東於淨草上結加趺坐端身正念發大誓言  
我今若不證無上大菩提寧可碎是身  
終不起此座

爾時菩薩昇菩提座即證方廣神通遊戲大  
嚴之定得是定已現身各各坐彼師子之座

一一身上皆具衆妙相好莊嚴其餘菩薩并  
諸天人各各皆謂菩薩獨坐其座又由定力  
能令地獄餓鬼畜生閻羅王界及諸人天皆  
見菩薩坐菩提座

嚴菩提場品第二十

佛告諸比丘。爾時菩薩坐菩提場。六欲諸天  
恐有障難。即於東面恭敬而住。如是南西北  
方四維上下皆有無量諸天恭敬而住。是時  
菩薩放大光明。其光名爲開發菩薩智。周遍  
照曜。盡虛空界一切十方諸佛刹土。爾時東  
方世界有國名離垢。其佛号曰離垢。光明彼  
有菩薩摩訶薩。名遊戲莊嚴。遇斯光已。與無



央數菩薩圍遶而來詣菩提場爲供養故住  
菩薩前。爾時菩薩以神通力變現十方盡虛  
空界一切佛刹成一清淨瑠璃道場。一切佛  
刹五道衆生展轉指示各相謂言：此是何人  
神通遊戲莊嚴威德色相？乃爾是時菩薩於  
一一衆生前現化菩薩而說頌曰：

能斷諸垢濁

貪瞋癡習氣

身照十方刹

曠蔽衆光明

福智及三昧

積劫轉增長

一切諸莊嚴

最勝牟尼力

爾時南方世界有國名寶莊嚴。其佛号曰光  
明。彼有菩薩摩訶薩名現寶蓋。遇斯光已與  
無央數菩薩圍遶而來詣菩提場爲供養故

住菩薩前。今時菩薩以神通力持一寶蓋。周  
遍覆此菩提之場。大梵天王釋提桓因護世  
四王更相謂言。以何果報而現如此寶莊嚴。  
蓋於寶蓋中出妙頌曰。

在昔億千劫

供養三世佛

慈心行捨施

故得相莊嚴

成就那延力

導師感是報

利益於一切

端坐菩提場

今時西方世界有國名詹波其。佛號曰開敷。  
華王智慧神通。彼有菩薩摩訶薩名曰寶網。  
遇斯光已。與無央數菩薩圍遶而來。詣菩提  
場。爲供養。故住菩薩前。今時菩薩以神通力  
取一勝妙寶網。彌覆菩提道場。十方諸來天



衆龍神八部更相謂言以何因緣感斯寶網  
於寶網中出妙頌曰

能爲衆寶因

衆寶所依處

三界皆歸趣

名聞遍十方

欲證大菩提

住於清淨法

精進力成佛

能感如斯供

今時北方世界有國名曰轉其佛号曰掩蔽

日月光彼有菩薩摩訶薩名莊嚴王遇斯光  
已與無央數菩薩圍遶而來詣菩提場爲供  
養故住菩薩前今時菩薩以神通力令十方  
無邊刹土功德莊嚴之臺皆現於此菩提道  
場諸來衆會心生竒特一切人天更相謂言  
以何因緣感此殊勝莊嚴妙臺於妙臺中出

妙頌曰

由昔無邊劫

福智資糧滿

身口意清淨

慙媿及慈悲

無上能仁尊

衆善無不具

今坐菩提座

故獲如斯福

今時東南方世界有國名德王佛号功德光

明王彼有菩薩摩訶薩名功德慧遇斯光已

與無央數菩薩圍遶而來詢菩提場爲供養

故任菩薩前今時菩薩以神通力化作無量

功德莊嚴衆寶樓觀諸來天龍夜叉等衆見

未曾有生竒特心更相謂言以何因緣而有

斯瑞於樓觀中而說頌曰

衆德之所生

具足功德者

能成就功德



天龍咸恭敬

德海詣道場

功德香普熏

今坐菩提座

感如斯供養

今時西南方有國名出寶其佛号寶幢彼有

菩薩摩訶薩名出眾寶遇斯光已與無央數

菩薩圍遶而來詣菩提場爲供養故住菩薩

前今時菩薩以神通力化作無量阿僧祇眾

寶圓光其中諸天見未曾有生竒特心更相

謂言以何威力而現如是眾寶圓光其圓光

中出妙頌曰

以眾寶宮殿

華果與園林

頭目髓腦等

身肉及手足

如是種種施

積習諸功德

今現證菩提

感如斯供養

尔時西北方世界有國名雲其佛号曰雲王  
彼有菩薩摩訶薩名雲雷振聲遇斯光已與  
無央數菩薩圍遶而來詣菩提場為供養故  
任菩薩前尔時菩薩以神通力化作沉水香  
雲及旃檀香雲遍布菩提道場諸天衆會皆  
生歡喜奇特之心共相謂言以何因緣有斯  
瑞應其香雲中出妙頌曰  
法雲覆一切 普雨於法雨 滅衆生煩惱  
令得於涅槃 神通定根力 功德為莊嚴  
證甘露菩提 故獲如斯供  
尔時東北方世界有國名金網其佛号寶蓋  
光明彼有菩薩摩訶薩名金網莊嚴遇斯光



已與無央數菩薩圍遶而來詣菩提場為供  
養故任菩薩前。爾時菩薩以神通力於彼諸  
來菩薩供養具中化出無量無邊大菩薩眾  
皆有殊勝三十二相莊嚴其身。執持華鬘曲  
躬稽首。一一菩薩以偈頌曰。

由咎無邊劫

深信極尊敬

以微妙音聲

讚歎諸如來

今坐菩提座

是故我頂禮

願以讚歎業

當得無上果

爾時下方世界有國名普觀。其佛号曰普見。  
彼有菩薩摩訶薩名曰寶藏。遇斯光已與無  
央數菩薩圍遶而來詣菩提場為供養。故任  
菩薩前。爾時菩薩以神通力於一一菩薩前。

化出廣大妙金蓮華而於華中皆有姝女出  
現半身端正姝妙咸以寶莊嚴具嚴飾其身  
手執種種金珠瓔珞曲躬稽首而諸人天更  
相謂言以何因緣感得如是微妙姝女是諸  
姝女以偈頌曰

由咎無邊劫

頂禮諸如來

辟支及聲聞

父母并尊者

質直無過患

具一切功德

皆應恭敬禮

清淨戒圓滿

爾時上方世界有國名殊勝功德其佛号曰  
德王彼有菩薩摩訶薩名虛空藏遇斯光已  
與無央數菩薩圍遶來詣菩提道場爲供養  
故任菩薩前爾時菩薩以神通力於虛空中



普雨十方世界諸佛刹土皆所未  
聞衆寶華鬘塗香末香燒香繒綵衣服幢幡  
寶蓋摩尼衆寶金銀琉璃碑磬瑪瑙象馬車  
乘輦輿兵衆華樹菓樹童男童女爾時梵釋  
護世天龍夜叉乾闥婆阿脩羅緊那羅摩睺  
羅伽人非人等一切羣生皆悉得見生歡喜  
心無有驚怖爾時世尊欲宣此義而說偈言  
利益一切世間者  
十方無量諸菩薩  
彼諸菩薩所來事  
無量菩薩從空來  
各各執持寶瓔珞

欲證無上菩提時  
皆悉如雲而集會  
我今以喻而略說  
猶如密雲振吼聲  
明珠垂懸甚嚴飾

無量菩薩從空來  
擎捧如華妙臺觀  
無量菩薩從空來  
說空無相及無願  
無量菩薩從空來  
雨未曾有微妙華  
無量菩薩從空來  
身光出現千種相  
無量菩薩從空來  
以妙音聲而讚歎  
無量菩薩從空來  
暎蔽一切魔宮殿

首飾寶冠垂辯髮  
而至菩提道場所  
猶如師子振吼聲  
而至菩提道場所  
猶如牛王哮吼聲  
而至菩提道場所  
美聲猶如孔雀王  
而至菩提道場所  
光明猶如淨滿月  
菩薩無量諸功德  
光明照耀猶如日  
而至菩提道場所



無量菩薩從空來  
福慧資糧悉圓滿  
無量菩薩從空來  
并散曼陀蘇曼陀  
及持如是等華鬘  
無量菩薩從空來  
而諸衆生不驚怖  
無量菩薩從空來  
如持華鬘不為重  
無量菩薩從空來  
遍灑大地皆嚴淨  
無量菩薩從空來

身色美艷如虹蜺  
而至菩提道場所  
手出摩尼衆寶網  
婆利師華詹波華  
而至菩提道場所  
以神力振大地  
一切靡不歡喜者  
手接須彌大山王  
而至菩提道場所  
頂戴四大香水海  
而至菩提道場所  
各持殊勝衆寶蓋

令諸菩薩皆覩見  
無量菩薩從空來  
一一毛孔演妙法  
無量菩薩從空來  
一切天人共圍遶  
無量菩薩從空來  
以緊那羅乾闥婆  
無量菩薩從空來  
枝葉華菓遍莊嚴  
其樹華臺有菩薩  
悉皆具相三十二

而至菩提道場所  
現為梵王任寂定  
說大慈悲及喜捨  
示為帝釋微妙形  
而至菩提道場所  
示為護世之形像  
各各散以天華香  
美妙音聲讚菩薩  
各持芬香妙華樹  
而至菩提道場所  
於彼華中出半身  
各各執持諸妙華



拘物頭華波頭摩  
無量菩薩從空來  
其身廣大如須弥  
遍覆三千大千界  
無量菩薩從空來  
而復於此示成劫  
演出無邊諸佛法  
聞者悉斷諸貪欲  
無量菩薩從空來  
以衆寶具而莊嚴  
一切天人脩羅等  
無量菩薩從空來

優鉢羅華芬陀利  
手持清淨蓮華沼  
變為淨妙諸華鬘  
而至菩提道場所  
各於眼中現劫燒  
遍身一一支節中  
所有衆生皆得聞  
而至菩提道場所  
其身端正甚可愛  
其聲猶如緊那羅  
見聞皆悉無馱足  
其身堅固如金剛

振動大地至水際

而至菩提道場所

無量菩薩從空來

光明照耀如日月

滅除衆生煩惱苦

而至菩提道場所

無量菩薩從空來

其身皆是衆寶成

遍於無邊佛刹土

普雨雜寶妙華香

一切衆生悉歡喜

而至菩提道場所

無量菩薩從空來

各能揔持四種藏

其身一一毛孔中

演說無數諸經典

具足辯才大智慧

覺悟昏醉諸群生

無量菩薩從空來

執持天鼓如須弥

擊出美妙大音聲

遍滿拘胝億佛刹

普告一切諸人天

娑婆世界雨甘露



方廣大莊嚴經卷第八

王

虹

蜺

魚上

溪音

反紅

下

堆

阜

上

下

回

反

陵

下音

也

哮

吼

呼上

交平

反口

反下

扞

音居

支

反居

翻

翔

上

芳

煩

反

也

劬

音

衢

鹵

呼上

地音

也魯

醜

嬈

音

也

龜

并

滅

龜

龜

下

音

元

鞞

反

步

迷

也

完

全音

也九

刈

音

也

辨

反

顯

也

明

也

反

明

寒

居

反

寒

煖

也

